



Broj: 02-05-2414 /17
Velika Kladuša, 20.09.2017. godine

Na osnovu člana 8. Zakona o ministarskim, vladinim i drugim imenovanjima („Službene novine F BiH“, broj: 12/03, 34/03 i 65/13), člana 25. Zakona o ustanovama („Službeni list R BiH“, broj: 6/92, 8/93 i 13/94), člana 43. Statuta Općine Velika Kladuša („Službeni glasnik Općine Velika Kladuša“, broj: 12/11), a u skladu sa odredbama Odluke o utvrđivanju standarda i kriterija za imenovanja na upražnjene pozicije u reguliranim tijelima Općine Velika Kladuša („Službeni glasnik Općine Velika Kladuša“, broj: 2/13 i 9/13) Općinski načelnik Općine Velika Kladuša raspisuje

JAVNI OGLAS

za izbor i imenovanje članova upravnog odbora JU Centar za socijalni rad Velika Kladuša

I Predmet Javnog oglasa:

Raspisuje se Javni oglas za izbor i imenovanje članova upravnog odbora Javne ustanove Centar za socijalni rad Velika Kladuša i to:

- jedan član ispred stručnih uposlenika Javne ustanove
- dva člana ispred osnivača.

II Opis pozicije

Upravni odbor obavlja poslove od značaja za oblast kojom se bavi Javna ustanova, a koji se sastoje u: donošenju Pravila ustanove, imenovanju i razrješenju direktora, utvrđivanju planova rada i razvoja, utvrđivanju godišnjeg programa rada, donošenju finansijskog plana i usvajanju godišnjeg obračuna, donošenju općeg akta o unutrašnjoj organizaciji i sistematizaciji poslova i drugih općih akata u skladu sa zakonom i statutom; odlučivanju o svim pitanjima obavljanja djelatnosti radi kojih je ustanova osnovana, ako zakonom nije određeno da o određenim pitanjima odlučuje drugi organ; usmjeravanju, kontrolisanju i ocjenjivanju rada direktora; odlučivanju o korištenju sredstava preko iznosa utvrđenog aktima ustanove; odgovornosti osnivaču za rezultate rada ustanove; podnošenju osnivaču najmanje jednom godišnje izvještaja o poslovanju ustanove i drugim poslovima u skladu sa zakonom i pravilima ustanove.

III Mandat i naknada za rad

Članovi upravnog odbora imenuju se na period od četiri (4) godine uz mogućnost ponovnog imenovanja, a za svoj rad u upravnom odboru imaju pravo na naknadu u visini utvrđenoj odlukom Općinskog vijeća i ista će se isplaćivati iz sredstava Ustanove.

IV Uvjeti za poziciju:

Svi kandidati za poziciju člana Upravnog odbora moraju ispunjavati sljedeće opće i posebne uvjete:

Opći uvjeti:

1. da su državljani Bosne i Hercegovine,
2. da su stariji od 18 godina,
3. da su zdravstveno sposobni za obavljanje poslova na koje se kandidaju,
4. da nisu otpušteni iz državne službe kao rezultat disciplinske mjere na bilo kojem nivou vlasti u BiH u periodu od tri godine prije dana objave javnog oglasa,
5. da se na njih ne odnosi član IX. 1. Ustava Bosne i Hercegovine,
6. da nisu na funkciji u političkoj stranci u smislu člana 5. Zakona o ministarskim, vladinim i drugim imenovanjima u FBiH,
7. da nisu članovi organa zakonodavne, izvršne ili sudske vlasti ili savjetnici u smislu odredaba Zakona o sukobu interesa u organima vlasti u Federaciji Bosne i Hercegovine („Službene novine Federacije Bosne i Hercegovine“, broj: 70/08),
8. da nemaju privatni finansijski interes u reguliranom organu u koji se kandiduju,
9. da nisu osuđivani za krivično djelo

10. da im pravosnažnim rješenjem o prekršaju nije izrečena kazna za privredni prijestup, niti da im je izrečena zaštitna mjera „zabrana vršenja poziva, djelatnosti ili dužnosti“ niti zabrana aktivnosti u reguliranom organu u koji se kandiduju.

Posebni uvjeti:

1. da imaju završenu visoku ili višu stručnu spremu. Izuzetno, kandidati za člana upravnog odbora iz reda uposlenika mogu imati srednju stručnu spremu, IV stepen.
2. da imaju najmanje pet (5) godina radnog iskustva nakon sticanja stručne spreme,
3. da nisu članovi upravnog ili nadzornog odbora u nekom od reguliranih organa Općine Velika Kladuša, što dokazuju Izjavom kandidata, potpisanom i ovjerenom od nadležne općinske službe (Općina – Šalter sala),
4. da nisu na poziciji direktora ili člana uprave u reguliranom organu u koji se kandiduju, što dokazuju Izjavom kandidata, potpisanom i ovjerenom od nadležne općinske službe (Općina Šalter sala),
5. da imaju komunikativne i kreativne sposobnosti za savjesno, odgovorno i odlučno obavljanje upražnjene pozicije.

V Potrebni dokumenti:

Uz prijavu na javni oglas, koja sadrži kraću biografiju, adresu i kontakt telefon, kandidati su dužni priložiti slijedeću dokumentaciju (original ili ovjerena kopija):

1. uvjerenje o državljanstvu
2. izvod iz matične knjige rođenih
3. uvjerenje iz kaznene evidencije da prijavljeni kandidat nije osuđivan za krivično djelo
4. uvjerenje da pravosnažnim rješenjem o prekršaju kandidatu nije izrečena kazna za privredni prijestup, niti mu je izrečena zaštitna mjera „zabrana vršenja poziva, djelatnosti ili dužnosti“ niti zabrana aktivnosti u reguliranom organu u koji se kandiduju
5. dokaz o stručnoj spremi
6. dokaz o radnom iskustvu
7. drugi dokazi o ispunjavanju općih i posebnih uslova javnog oglasa (ovjerene izjave o ispunjavanju općih uvjeta pod tačkom: 4,5,6,7,8 i 3,4 posebnih uvjeta oglasa)

Dokumenti kojima se dokazuje ispunjavanje općih i posebnih uslova ne mogu biti stariji od šest mjeseci. Dokaz o zdravstvenoj sposobnosti za obavljanje poslova na koje se kandiduju, kandidati koji budu izabrani na poziciju na koju su se kandidovali dostavit će nakon izvršenog postupka izbora.

VI Ostale napomene:

Rok za podnošenje prijave je 15 dana od datuma zadnje objave oglasa u dnevnom listu „Oslobodenje“ odnosno u "Službenim novinama Federacije Bosne i Hercegovine".

Prijave sa dokumentacijom mogu se dostaviti u zatvorenoj koverti u pisarnici Općine ili preporučeno poštom na adresu:

OPĆINA VELIKA KLADUŠA

Ulica Hamdije Pozderca br. 3.

77230 VELIKA KLADUŠA

uz naznaku:

PRIJAVA NA JAVNI OGLAS – UPRAVNI ODBOR JU CENTAR ZA SOCIJALNI RAD VELIKA KLADUŠA.

Neblagovremene i nepotpune prijave neće se uzeti u razmatranje.

Svi kandidati koji budu stavljeni na listu kandidata koji ispunjavaju uslove iz oglasa bit će pozvani na intervju pred Komisijom za izbor koju imenuje Općinski načelnik.

Obrađivač:

Selim Kajtezović

Kontrolisao:

Senad Okanović

